



21715

Mag. St. Dr.

P


III

Vilnensis Collegii et Academiae V. J. Phoenix
nobis Litvani J. M. S. S. Carimirus Les
Sapientia.

PANEG. et VITAE

Polon. Fol.

№ 1108.



PROE N I X
ORBIS LITVANI.

ILLVSTRISSIMVS DOMINVS

D. CASIMIRVS

LEO SAPIEHA,

COMES in Bychow & Sapieżyn,

PRO CANCELLARIVS

Magni Ducatus Lituanix;

Orfensis, Volpensis, Berezynensis PRÆFECTVS,

Oeconomix Brestensis Administrator,

IVRIS VTRIVSQ;

In Alma Academia Vilnensi

F V N D A T O R;

ad Cineres Funebres.

ILLVSTRISSIMO DOMINO

D. PAVLO IOANNI

S A P I E H A

COMITI in Bychow,

Palatino Vilnensi, Supremo M.D.L.

Exercituum DVCI,

Zdžitouienſi, Roſſauienſi, Borćianenſi,

PRÆFECTO, (D.

—S(†)S—

Kobrynenfis, & Szaulensis, Oeconomiarum Administratori,

ab Exulibus Socijs,

Collegij & Academiae Vilnensis,

SOCIETATIS IESV,

Dicatus.

Anno Salutis M. DC. LIX.



21.715 III

BIBLIOTH. UNIV.



VAGELLONICAE

AD ILLVSTRISSIMVM DOMINVM

D. P A V L V M

IOANNEM SAPIEHA,
Palatinum Vilnensem, Supremum Exerci-
tuum M. D. L. DVCEM.

Non miraberis ILLVSTRISSE DOMINE,
DOMINE, & MÆCENAS AMPLISSE;
si, cùm merita in Patriam Tua, Augustâ fron-
tem adornant laureâ: nos ei Cupressum internectimus.
Humanis trahimur vicibus; quæ victorias Tuas &
Triumphos, ab obitu ILLVSTRISSIMI Domini D.
CASIMIRI LEONIS SAPIEHA, M. D. L. PRO-
CANCELLARII, tristi hac appendicula donarunt.
Ingens fatorum vis est. & quemadmodum nullius ar-
bitrio: ita nec vllius iudicio subest. Nemo erat, qui
non illi diuturnum vitæ vsum precaretur; cuius vitâ,
Patria vixit: nemo, qui non Tibi continuos felicitatis
successus: cui successus suos, eadem debet. Ecce verò
dum accusare sortem Cælo missam vetamur: plangere
frustrata nostra desideria cogimur. Cessit à nobis ILLVSTRISSIMVS CASIMIRVS LEO SAPIEHA,
Heros perenni vita dignissimus: candidam purpuram
Tuam, mors pullato habitu affixit: lauro immortalis,
lugubris arbor inserta. Superest nihilominus in hoc
ipso tristi rerum nexu, quo nos solemur. Vigor scilicet
virtutum Herois meritissimi, & Tuarum palmarum:
à quibus, trux quoq; Cupressus, meritò reuire-
scat. Florebit ille perennibus memoratus laudibus;
Tu, laudum flores, germinantibus perpetuò merito-
rum ornabis insignibus. Nisi aliunde SAPIEHA-

NVM Nomen ad gloriam sufficeret: Tuum perennitati infereretur. Audiet Te æternum Suecus & pauescet: audiet Hungarus, & victorem sui sentiet: audiet Moschus, & silentio venerabitur. Erudiuisti meritis ad Tui cultum populos; & sanguine hostium, Patriæ saluti sæpius litato, non diluendam memoriam æstimationi inscripsisti. Perge porrò gloriose HEROS, maturam per facta paria promouere dignitatem: perge Te, Tuosque Augustos Maiores, ac in eis PHOENICEM ORBIS LITVANI CASIMIRVM LEONEM SAPIEHAM diu spectandum exhibere: perge quoq; laureæ Tuæ vigore, funebrem Cupressum animare. Nos, nobiscum ideò illam Tibi sacramus, vt conseruatæ Patriæ, datam à Te vitam profiteamur: Tuoque patrociniò protecti, de cineribus Academicis ad vitam aspirare securius possimus.

Illustrissimæ Dominationis

clientes coram Deo deuoti,

exules Collegij & Academiæ Vilnensis,
Societatis I E S V.

P H O E N I X

ORBIS LITVANI

Illustrissimus Dominus

D. CASIMIRVS

LEO SAPIEHA,

M.D.L. PROCANCELLARIVS

Orsensis, Volpensis, &c.



Andem credere cogimur ILLUSTRISSIMUM CASIMIRVM LEONEM SAPIEHAM, M.D.L. PROCANCELLARIVM &c. mortalem vixisse, quem immortalem Virtus meruerat. Hem Superi! Quot in vno Patriæ Ciue, Ciuēs; in Senatore, Senatores; in Herodē occubuerunt Herodēs. Scilicet ruente in occasum Republica, occidisse debuit: qui viuere, nisi illa staret, noluit. Vno, cum Matre condi elegit filius tumulto: ut quo ille aspergeretur cinere, eo non attingeretur, nec premeretur Mater: immo mortui Cinis, aut sibi, aut Matri, tandem utriq; vita parens esset. Cinis nunc est, quod deliciosum Orbis spectaculum fuit: cinis est, quod portentosum Animi & Virtutis Domicilium: sed non infelix Cinis, è quo immortalī vita dignissimus PHOENIX enascatur: atque simul vitam Magna Matri Reipublicæ meritis aspiret. Victuros diu, tantisper victuri compellamus! Videte, ut PHOENIX noster virtutibus raris surgat: ut altè volet, ut aspectus admirationemq; volatu rapiat! Si tantus impetus est, posthuma virtutis: quantum fuisse credetis præsentis? Sed hem iterum superi! Quàm frustra verbis luditur dolor! Quantos in tam graui, debemus gemitus casu? Oculorum ploratus, Populi; pectorum singultus, Senatus; Cordis dolor, tota Patria est. I perge alto volatu, meritissime virtutum PHOENIX; nobis id solū residuum est, Te sepius respiciamus: sapiusq; nobis crepto illacrymemur.

PHOENIX

ORBIS LITVANI

Illustrissimus Dominus.

D. CASIMIRVS

LEO SAPIEHA,

M.D.L. PROCANCELLARIVS

Ob raram

*Summa Magnitudinis cum summa Humanitate ac De-
missione coniunctionem.*

Magnus vixisti
CASIMIRE LEO SAPIEHA,
nec minor Te iaces.

Magnitudinis mensura, Dignitatis Magnitudo.
Cineribus conditur flamma, non perimitur,
& Morte Virtus.

Si truncus Magnum veré facit, faciet Paruum Cinis:
at vtrumque,
aliud est, quàm quod in homine Magnum, aut Paruum est.
Ortus SAPIEHANVS, Sol Meridianus;
Alter lucis, Gloriæ alter radijs ILLVSTRISSIMVS.

Fons Sanguinis,
Fons Honoris, & Virtutis.
Exordia, si inquiras; laborem perdis.
Si spectes,

Per

Per vastissima Regnatricis in primis Iagiellonibus
Lituanix littora ;

Per amplissima Principum Poloniae ac Lituanix
Familiarum confinia ;

Per Augustissimorum Reipublicae officiorum decora,
euolui videbis.

Nili originem nemo quaerit, quia nulli dubia est.

Parui fontes, notis clauduntur marginibus :
ingentes,

oculos amplitudine superant.

LEONE Patre,

Supremo in M.D.L. Palatino, ac Duce
non degener editus **LEO** ;

CASIMIRI gratum incolis Nomen infans assumpsit.

hoc est,

praesagium Humanitatis Magnitudini iungendae dedit.

Diuinis deinde abluendus aquis,

Serenissimorum **REGVM POLONIAE**
exceptus manibus :

A DEO & REGE, pro **DEO & REGE** initiatus,

Dignum sane visum Onus, quod iisdem, quibus Respublica,
gestaretur manibus ;

datusq; sensus triumphalibus palmis
cognoscendi in Infante, Pondus Salutis Publicae.

Quidni cognoscerent ?

cum puer Reipublicae natus, Salus Publica futurus esset ;

quam deinde sustinuit,

Opi-

Opibus, Auctoritate, Consilio, Armis, Corpore, Animo,
Vita, Morte.

Tantam semper HEROS noster Rempublicam animo aluit,
quanta in se esset:

Tanta illa fuit, quantam hic fouit.

Par Magnitudini Publicæ, Magnitudinis Æstimationi:

Pares Curæ, Æstimationi.

Neq; ætas iniuriam prioribus iudicijs inferre potuit,

Virtuti intra ipsa sacrorum arcana
domicilium suum, quàm sanctè, tam magnificè ingressæ.

Visa eadem cum ætate crescere,

Publico iudicio & grandibus Titulorum insignibus designata.

NOTARIUS imprimis M.D.L. dictus

Adolescens, viris paria egit.

Nec clementiores tabulas, nec æquiores rei:

quàm nomine grandi CASIMIRI SAPIENTIAE notatas,

desiderare poterant, aut desiderarunt.

Non segnior tum Calami, quàm deinceps Gladij

Arbiter,

in nullius vulnus strinxit aciem, quàm in vulnus ferendi.

MARESCHALCVS inde Regiæ Curia,

virtutibus, passus altiùs promouit.

Si sequi alios debuisset, non præire non poterat.

Præire Principes iussus, continuis Meritis gloriam Magnorum superabat.

Non defecit ascensu, virtutis Heroicæ impetus.

Humili, Collis: pro Alpibus est.

Cui Augusta virtutum placuere insignia, luctâ animatur,

Nihil angustum, Augusto est pectori.

Hoc

Hoc impetu ferebatur SAPIEHANA virtus.
Oculorum Regiorum felix Meta, & Fax Amorum:
Curiam in oculis, Patriam inpectore ferre demū visus.

Vtriusq; plausu, & gratulatione,
PROCANCELLARIUS M. D. L. proclamatus.

Abeste fabulosi Apollines!

subsultantia saxa, rupeſq; longè abite!

SAPIEHA CASIMIRO PROCANCELLARIO dicto,
Populus, Nobilitas. Senatus, Iura, Affectus, Corda,
tota deniq; subsiliit Lituania, ac Polonia.

Commune bonis indictum Gaudium,
soli obriguere improbi.

Gaudere scilicet non poterant, quòd odisset virtutes, vitium.

Obmutuisse necesse erat,

quòd non inueniret audacia, vituperium.

Quis tum nouum non suspexit Curtium?

non Ceris solùm Lituaniæ pressum, sed in LEONE

CASIMIRO SAPIEHA rediuiuum.

Deuotum Patriæ Caput, & Curtiano felicius,
quòd chaos licentiæ immane, occludere vna manu posset:

& Se Patriæ seruare.

Adhuc subsilit Eques Lituanus, gauisus Sapiehanæ manus
frenis,

insignibus insolentiæ compescendæ, moderandæ virtutis instrumentis.

Liber illi vaginâ gladius,

PROCANCELLARIO animus,

nunquam iniquioris amicitiae, aut pollicitationum dolo interceptus.

Sed ferreus Gladius, Aureus, Animus est.

quando aurum, illicitamentum vitiorum, in decus virtutis transijt:

& contemptus color cupiditatis,
excanduit in Magnanimitatis Ornamentum.

Nunquam sub SAPIEHANO Sigillo,
pressa Libertas, nunquam Innocentia ingemuit:

Ceris adamante durioribus,
immutatum Publici studij vultum retinente.

Si vita producta simul fuisset,

Parenti olim CANCELLARIO, & PROCANCELLARIO Filio:
dubitari poterat,

quem Publica Stemmata potius imprimerent?

nisi quòd meliori sensu,

Pater in Filio, & Filius in Patre nosceretur.

Filius, Imago Patris est;

Multis naturæ, SAPIEHIS virtutis expressione.

Supremos in Lituania titulos, sæpe, & ex merito Sibi oblatos,
constanter recusavit.

Nunquam tamen effecit,
ne tantus videretur, quantus haberi merebatur.

Creuit etiam honoris contemptu,
supra id, quod maximè ambiri poterat, animo euectus.

Tantus certè habitus,
vt pares paucissimi: Melior, nullus.

Ehem PHOENIX Lituane!
quæ Tibi memor Posteritas, non debet præconia?

In summa Fortuna, nulli graui:

In summis Opibus, nulli iniurio:

In summis Honoribus, nulli fastuoso:

In summis Amoribus, nulli fictè blando:

In sum-

In summa Potentia, nulli supercilioso.
Liberalis vultus, facilis accessus, comis sermo,
Communem Te omnibus fecerant,
sine detrimento Grauitatis:

communes omnes Tibi, sine præiudicio Auctoritatis.
Impendisti benignissimè affectus, vt raperes:
Indulxisti amorem, vt amareris.

Rarò vt Bonæ fortunæ, ita Magnæ: cum bona mente conuenit,

Tu nec fortunatus Tibi visus,

Nisi alios fortunatos faceres:

nec magnus, nisi omnibus Par esses.

Amare Te, an venerari deberemus? non dubitauimus;

Vtrumq; pensum debitum fuit.

Docuisti inusitatam affectuum conjunctionem, exemplo.

Curis, beneficijs, clementiâ Tuâ, nemo indignus habitus;

Votis, præconijs, Cordibus omnium, Tu dignissimus.

Patens Tibi ærarium, tritum humiliorum calle Palatium.

Satelles dignitatis stipator, non Exactor seruitutis.

Ex toto LEO,

cùm vel ex vngue esse posses,

nec digito læsisti innocuos: nec humero pressisti imbelles:

nec Corde repulisti Orphanos:

AMOR PVBLICVS CIVIVM.

Tollite sepulchrale Marmor,

Corda tumulo substituiimus.

Barbarus rigor sit, qui ad horum attactum cinerum non lentescat,

quibus sopitur clementissima Pietas.

Profundissimo mergatur saxum Oceano, quod huic graue sit,

qui

NEMINEM INIVRIA PRESSIT.

P H O E N I X

ORBIS LITVANI

Illustrissimus Dominus

D. C A S I M I R V S

L E O S A P I E H A

M.D.L. PROCANCELLARIUS &c.

Ob Rara

Togæ, Sagiq; decora in Se collecta.

Tandem plerisque,

posteaquam segnes vivere placuit, placuit segniter sentire,
Exclusæ virtutes Animo, prohibentur iudicio.

Alios Togæ, Sago alios quærimus Viros.

Veteri Maiorum more,
eiusdem Romæ Ciues, Togâ & sago vfi.

Fronte caret Numen, quod bella tantum, aut pacem prospectat.

J A N O biceps Caput est,
cùm Respublica petit, aperturo: cùm deprecatur, clausuro
bella.

Nec decet Sagum, quem non prius Toga cinxerit;

Nec Toga, quem non Sagum commendarit.

Moderata sit necesse sitis sanguinis;

Nimia, cùm extingui non possit, exurit, & suffocat.

Si sanguis tantum sititur, sanguis tantum bibitur;

Si sanguis bibitur,

Tera-

Ferarum præda, non hominum genus sumus.
Miscenda lenia duris, mollia crudis, togata sagatis.

Discamus pace, quod promamus bello :

agemus bello, quo ornemur pace.

Quies otiosa, vitium exprobrat; Pax immerita, ignauiam.

Non tegit, sed prodit, Longa Toga, Breuem Virtutem.

O fortunata Patriæ tempora!

quibus

nec in Castris Senatus; nec in Senatu Castra desiderata.

Non inuidimus Romæ,

tot Reges, quot Senatores:

quoties spectauimus,

tot Sapientiæ ac Martis HERCVLES:

quot Patres Senatûs.

His per omnia parem,

Certa scribet Posteritas,

ILLVSTRISSIMVM CASIMIRVM LEONEM SAPIEHAM

M.D. Lituan: PROCANCELLARIVM.

Ex utroque Heros,

Pacem coluit vnicè, bella fortiter gessit;

Vtriusque iustus osor, ac Amator.

Pace parauit animos, bello prompsit;

Pace bellauit, triumphauit armis.

Erudita contra ignauiam virtus,

quicquid quieti præsentì vindicauit, labori futuro addixit;

nunquam lassata, cùm quiete laboraret.

Profuturus omnibus seculis,

vni viuere noluit.

C

ven-

Venturis, pro præsentibus vsus,
effecit, vt aut non venirent: aut vt non incognita, ideoq; minùs sœua
venirent.

Prima circa Bonum commune industria,
Ne paratis quæ Hæres inuenerat,
Solùm prodesset Patriæ:
quæsiuit noua.

Nec quæsitis obesset,
diuturnæ apud Exteros peregrinationis indagatione,
solam virtutem domum reuehendam elegit.

Quocunq; peregrinus iuit, Se tulit:
Quocunq; accessit, Se inuenit;
Vndecunq; regressus, Se retulit.

Tandem

Magno Miraculo,
Orbe peragrato, à se non defecit.
Belgium illi post Lituaniam, & Societatis I E S V Magistros,
Sapientiæ Mater.

De Puteani abundissimo puteo,
SAPIEHANARVM ARTIVM
Nilus fusus.

Loquendo tamen, an Agendo præstiterit? difficile definitu.
Certum est, quicquid benè dixit: meliùs præstitisse.
Sagax in obscuris & difficilibus, Ingenium;
Expedita in angustis, Mentis Libertas;
Aperta in salutaribus Consilijs Frons, & Animus:
Consilia cùm panderent, concludebant;

& vel

& vel solo
persuadebant dicente.

Memoretur Lituanus Castor

ILLVSTRISSIMVS D. IOANNES STANISLAVS SAPIEHA

M D Lituanix MARESCHALCVS,

glorioso Imperatoris FERDINANDI elogio

Os SARMATIÆ AVREVM

nuncupatus.

Habebit Germanum sanguine & merito Pollucem

ILLVSTRISSIMVM CASIMIRVM LEONEM SAPIEHA,

M. D Lituanix PROCANCELLARIVM,

Aureum Os, & AVREAM MENTEM Lituanix habitum.

Tullium eloquio, Catonem gravitate, Metellum innocentia.

Si Patria pro se loqui potuisset,

alia oratione ac animo, quam PROCANCELLARII vti noluiisset.

Locuta etiam creditur,

quando Comitiorum Regni Publicorum Præfectus,

Licentiam & Seruitutem,

FATALIA Orbis Poloni EXTREMA,

à Libertatis veræ iniurijs repressit.

Pro omnibus cum Optimis conclusit,

Nemine tamen Repugnante,

S E

quia SAPIEHA consentiente.

Optimus inter Pares

Solis Lechici radius, & Radiorum Centrum:

ô quanto per dissita laudum Spatia irradiavit fulgore!

quantusq; per Moscouiam spectatus,

VLADISLAI IV. REGIS POLONIARVM SERENISSIMI

& totius Reipublicæ,
Magnus Legatus.

Sensit in radio Solem, in Legato Regem,
In VLADISLAO Rege; CASIMIRVM SAPIEHAM,
pulla illa Aquila;
& dignitatem splendoris confessa,
à Comitatu Legati, ad gentis gloriam iudicio translato:
diu

quoscunq; magnificentiâ virtutis, & Dignitatis conspicuos vidit,

SAPIEHANOS dixit.

Nihil tamen augustius, ipso suspexit Legato.

Amicus veniebat, hostis etiam amatus fuisset.

Oleâ oblatâ, laurum accepit.

VLADISLAI triumphis, SAPIEHANISQVE Curis,

Pax Æterna dicta.

VIOLATOR OPERIS INFELIX ESTO.

At

pressam mole seculorum victricium,

Fatiscere Polonam magnitudinem necesse fuit.

Felix, quia humeris

SERENISSIMI ac INVICTISSIMI

IOANNIS CASIMIRI REGIS POLONIÆ & SVECIÆ incubuit.

Non stetisset, nisi sic ruiisset.

O Orbis nostri maiorem Atlante Atlantem!

qui Ortui, Occasui, Meridiei, Aquiloni sustentando suffecerit.

Pugnarint alij cum hostibus,

REX NOSTER,

cum

cum fortuna quoq; , & virtute Hostium.
Nil mirum stetisse tantisper fata ambigua,
cùm Regiam stuperent fortitudinem.
Gaudemus verò ruere prona, cùm adorant Maiestatem.
Nihil tandem non inuictum Regi nostro est.
Vires , Dolus, Infidiæ , Bella, Licentia, Robur, Tempora, Mores,
Regna , Regnorumq; vicissitudines.
Perge Triumphali gloriosus lauro ad palmas,
AVGVSTE VICTOR.

SAPIEHANAM sine laude Cupressum , ne præterieris.

Hâc hodie donatur

Tuus ille totus, & totus Patriæ,
CASIMIRVS LEO SAPIEHA;
Senator Consilio, Miles Manu, Dux Animo, & Tuæ Maiestatis
iudicio.

Diu bellantem reuerita fata, inuasêre quietum;
Vicisset,

si quantum contra Mortem:
tantum contra immortalitem hominibus leiceret.

Id interea laudis tulit,

Palàm, mortem non ausam aggredi.
Inuictus bellicis periculis, succubuit morbis;

Nisi actum fuisset,
Plus quàm hominem suspicari potuissemus.
Tutatus Patriam semper aureis viribus,
ferreus eidem accessit.

Quot cohortes pugnarunt continuò pro vno,
pro totidem suffecit Vnus

ZBOROVIANÆ perfidiæ VINDE X,
Fatorum Victor.

Sæpiùs dissectæ Acies, totidem vicibus ordini & robori restitutæ:
Pugnatum supra sex continuas horas, inferioribus hoste viribus:

Res Polona grauissimè pressa, fortissimè conseruata.

Obstupuit omninò perfida audacia, sibi nec dolos, nec vires,
contra SAPIEHAM sufficere.

Gelidum Scytharum frigus, sudoribus generosi Ducis incaluit.
Barbaries cruda, humaniùs sapere casibus docta,
Quem malè sitiuerat sanguinem,
suo eluit.

Optasti prædam prædo;

arcumq; , notato Patriæ amplexibus collo, iniiciendum paraueras,
vt tuo iugulareris.

Cecidisti scilicet nobili fato, quia tanti criminis ausu.

Ludit, etiam cùm sæuit, Mars.

Alium tuetur sub ictu,

Rapit alium sub manu.

IN ILLVSTRISSIMO CASIMIRO LEONE SAPIEHA,

Ludus Martis, Opus virtutis.

Gyrus Fortunæ, Auctoramentum diuini Patrocinij.

Deo vindicatum diem benè credidit,

quo Cælo vindicata DEI Mater Virgo esset.

Diuinis tutus præsidijs, humana non curauit.

Assuetam fronti galeam, vacare permisit:

Aperto capite, aperto oblatus discrimini.

Latere nullum potuit,

Quantum Patriæ vellet.

Aper-

Aperto capite, aperto vindicatus discrimine,
ostendit omnibus:

Quantum sibi Cælites cuperent.

Non eget Clypeo, quem vera munit Pietas.

Robore, non iubis, pugnat L E O.

Fronte petit hostem, qui victoriam petit.

Æternùm felices quiescite Manes,

SAPIEHANO Nomini sacratæ victimæ.

Tanti erat vnum SAPIEHAM in fortissima pugna periclitari,

vt robur Exercitûs duæ hastatæ cohortes,

pluresq; pedites se deuouerent.

Tanti vincere,

vt suam sibi cum illo salutem restitutam, Patria iudicaret.

Nec verò sibi magis, quàm illi superfuit;

Exegit mox inter primos, perfidiæ pænam à rebellibus,

ad Beresteczko:

eo cohortium suarum impetu hostes aggressus, quo

ipse in Rempublicam animo esset.

Vidisset hîc

AMBROSIVS SPINOLA verum illud Martis decus,

quod in fortitudinis SAPIEHANÆ exemplis miraretur.

quemadmodum obtulerat

adolescenti SAPIEHÆ.

quod ab obsidione Bredensi, spectator par Operi, ad imitationem

traheret.

Vidissent prodigia illa belli

IOANNES, LEONES, PAVLI SAPIEHÆ, quod suum cuperent;

D 2

Vixis.

Alienum certè non erat, quia domesticum.

Vixisses etiam utinam diu,

O HEROS inclyte nobis:

Vixisses Patriæ!

Vt, ut vota populi sublatus explere non potueris,

erat grande, quod poteras:

nimirum

V I D E R I.

Nos ploramus, cùm Te flemus: nobis absumus, cùm Tibi.

An etiam Tecum tumulamur?

Multis partibus iam occidimus,

Ne toti occidamus, vel ideo optamus,

Ne Tu in nobis occidas.



P H Œ N I X

ORBIS LITVANI

Illustrissimus Dominus

D. CASIMIRVS

LEO SAPIEHA

M.D.L. PROCANCELLARIVS &c.

Ob Raram

*Diuiinarum Rationum & Politici, procuratam
Concordiam.*

DEO, & Patriæ nati,

Non alijs magis vitam nostram debemus.

Communis ille Parens est, hæc Mater.

Sifilios sanguis monet, communia vtriq; præstanda officia.

Orudi terra, polita ingenia!

quæ Politiam Patriæ decori destinatam,

diuinis temerant iniurijs.

A DEO, Reges, ac Regna:

& per DEVM.

Iisdem artibus conseruantur, quibus nascuntur Imperia.

Anne Probus improbè, aut Improbus rectè agat?

Quantum de sincera demitur pietate Ciuibus,

Tantum de constanti integritate Ciuitatibus.

Nunquam Regna subsistunt, nisi Deo nixa.

Quòd si stare videantur,

E

Aut

Aut fallunt oculos : aut manum expectant, mox in casum protrusuram,

Nemo maximè barbarus, qui non Numen aliquod fingat ;

nemo fingit, qui non colat.

Nobis & Numen verum est, & cognitum non coli, quis furor est?

Cælo iudice,

geminâ gloriæ Palmâ donaris,

ILLVSRISSIME CASIMIRE LEO SAPIEHA

M.D.L. PROCANCELLARIË,

Cælorum decori, Terrarumq; commodis edite.

Probasti exemplo, firmasti omnium iudicio,

Sufficere virum Aris, & Curijs.

Quàm Rarum!

Quàm Tu.

Qui Curiam tuam inspexit, Innocentē Opulentiam :

Qui Socios lateris, Stipatores Virtutis :

Qui Consiliarios, Regnatricem Sapientiam :

Qui Comitatum, Pedisequam Gloriam :

Qui vitam DEO & Patriæ deuotam, Robustam Integritatem

miratus est.

Magnis semper cogitationibus intenta Mens,

sine fastu Purpura, sine ambitione Curulis, sine seuitiâ Fasces.

Pijs immersâ operibus Religio :

sine simulatione Deuotio, sine fuce Pietas, sine vitio Sinceritas.

Consilia in Senatu salutaria, iuxta ac pia.

Sententia,

quâ scelus damhari, & innocentia absolui gauderet.

Ambitus potentia, imperandi Cupido, Priuata iura,

infra Personam calcata.

DEO

DEO Duce, ac Comite semper vsus,
à Patriæ commodis nunquam discessit.

Patriæ præsidij intentus,
Diuinarum rerum studia nunquam dimisit.

Stabunt æternùm
sacrata Superis Ædium, Templorumq; monumenta;
& SAPIEHANAM loquentur in Deum Pietatem.

Stabunt Augustæ Operum Moles,
& eiusdem augusta profitebuntur in Patriam studia.
Integræ Vrbes, Voces erunt.

Ostentabit Nouogrodecum inclytum Mæcenatem,
donato Patribus Societatis Templo, suas ab incendio ruinas

Excitantem.

Ostentabit Bresta beneficum Largitorem,
eximij auri impendijs, sacræ Molis erectioni prouidentem.

Ostentabit Dziećciółum, suum decus;
Pulcherrima, robustissimaq; murati operis machina,
diuino cultui sacratum Templum erigentem.

Ostentabit Lituania & Russia
totidem Oppidis, quos SAPIEHA possideret, Numinis Maximi
cultum, aut institutum, aut promotum.

Grandior erit Słonimo vox,
Illustri Canonorum Regularium Collegio aucto.

Quis obstrepet,
vbi in CASIMIRI SAPIEHÆ præconia,
tot Viris, ac viribus, magnus consurget Augustinus?
Nec tacere poterit silentium eloquentissimū Brunonis;

&, si fileat, Beresa æternas laudes loquetur.
Non satis visum Heroicæ Profusioni,
dotatis Religiosorum hominum,
placare Numen, ornareq; Patriam Conuentibus.
A NOVO in Lituania Ordine, nouū quæsiuit decus.
Lateat Cartusiæ fulgor, quæsitis absconditus tenebris:
ingens tamen est.

Stellatus Bruno, cū primum se Montibus conderet, visus est:
Lux in tenebris lucens, flamma viuax in Cinere.
Retinent natiuam Stellæ lucem, etiam cū ab hominibus
non videntur.

& aut minimum interest, aut lucrum est,
terris nigrescere: dum fulgent Cælis.

Accedet laudibus
integerrimæ obseruantix deuota Cohors
DRVHÆ fundata.

Interiectu præterfluentis Dunæ, iuncta mirè beneficia;
Dum ab alia parte Curlandica,
ab alia Liuonica confinia, pericula animorum inuehunt:
medius infusus Fluuius,
prona pijsimorum virorum delaturus vtrisque auxilia.
Rapacissimas vndas ad genium Domini eruditas, diceres
beneficijs exundare.

Postquam semel cæpit, continuo fuit Liberalitas.
Ne semel vitæ sustentacula, mendicato venirent:
semel rogata sunt.

Ne semel impetrata, susceptam vltro paupertatem spoliarent:

Sem-

semper rogantur.

Minus beneficus fuisset, si simul dedisset.

Fastidit vera Liberalitas silentium, gaudetq; prouocari.

Additur & pretium precibus,
toties æstimatis, quoties beneficium obtinent.

Neq; dubitare de iudicio licet,
Annua sustentationis censibus obligato.

Neq; de Liberalitate,
quæ nec ferentibus, nec metentibus: feritur ipsa, & metitur.

Si vspiam,

in hac Christiani HEROIS Munificentia,
quærentibus Regnum DEI, cetera adiunguntur.
Pari surgit argumento SAPIEHANÆ laudis,
Cætus IOANNIS DEI, Nouogrodeci institutus;

In omnes partes circumspecta Beneficentia,
Cum animorum præsijs diligenter prouidisset:

Publicos Corporum quæsiuit Curatores,
geminatâ insuper Prudentiâ:

quòd, in quibus auxit beneficia, non multiplicauit.
Eadem manu Mentis & Corporis porrigitur medicina,
altera minus prodesset.

Grauiissimus Morbus, in Corpore sano, Mens languida;
molestus, Mente sana, Corpus infirmum.

Certissimus vtriusq; Medicus, QVI DEI est.

At siste Calame,

Verarum monumenta laudum spectantur melius, quàm pinguntur.

Iaces non in glorio offusa Cinere,

ô Alma VNIVERSITAS & ACADEMIA Vilnensis!
an ad nouam vitam cum PHOENICE Litvano excitaris?

Cinis Tuus, æternus perfidiæ hostilis Tumulus:
SAPIEHANÆ Gloriæ monumentum erit.

Durabit, quod impia diruit manus, sacra erexerat.

In se scelus sæuijt, cùm sæuaret in innocuos;

Si minus ausum fuisset, latuisset feliciùs.

Totius Patriæ Ignibus illuxit; Cineribus se prodidit.

In ACADEMIÆ insuper ruinis,
notissimo furoris vultu conspectum.

Omnes olim professa Scientias, inclyta Lituaniæ Magistra,
nunc vnam loquitur Perfidiam.

Tacere non potest, quia silet.

Neq; tamen vna est Oratio, quanquam vnus sermo.

Qua voce vitium reprehenditur, laudatur Virtus.

Crimen Improborum, Panegyris virtuosorum.

Audacia Euerforum, Gloria FVNDATORVM.

Ipete altum, tuo impetu,

ILLVSTRISIME CASIMIRE LEO SAPIEHA,

Iuris Vtriusq; in ACADEMIA magnifice FVNDATOR.

Quantum scelus hostis, tanta Tua laus est.

Vt sit Ætas ACADEMIÆ interrupta, adempta non est.

Beneficia Tua ne quidem interrupta.

Vix yllò Cinere feliciùs flammæ immortales Gratiarum foueantur,

quàm ACADEMICO.

Tot emicant scintillæ, quot scientiarum desideria:

Tot Tui præconia, quot Literarum vota.

Toto sui pondere ruens illud Sapientiæ Mausoleum,
cordibus impressit SAPIEHAM.

Pro-

Profundiùs inferi non poterat, feliciùs quis optaret?
In Corde omnium, C O R conditum est Patriæ.

O decus operis, Cælo, Terrisq; dignissimi!

Obseruatis ex Virtutis præscripto Iuribus Diuinis, ac humanis:

Stabilitas eorundem ex merito procurata.

Profiteri vitâ iustitiam, parum iudicauit: nisi Totâ
:audita iustitia: o profiteretur Æternitatē.

Quam malè venalis prostat hæc sæpè Virtus:
tam benè à sui F V N D A T O R E æstimata.

Ne diuturnis licitationibus tanquam incerta proponeretur,
perpetuis donauit ædibus, redditibus, Iuribus.

Diu Veritatem de Terra orituram,

Cupida de Cælo prospiciebat, Iustitia.

Tandem

CASIMIRO LEONE SAPIENHA auspice,

Inquilinæ nostræ factæ sunt.

Prouido etiam consilio, Iuris Humani, Diuiniq; Professio,

grandibus Patriæ præmissa casibus,

ne scelerum deesset Conuictio:

& ne credi possent Innocui,

quorum violentiâ, Iura ruiissent.

Inueniret insuper ventura Ætas,

Præiudicium criminis in Hoste: Meritum Facti in Patriæ Ciue.

Auspiciū operis, Triumphus geminæ virtutis,

Cultûs in D E V M, obsequij in Patriam.

Dum ingenti scelere oppugnatos in suis imaginibus, tuetur

Cælites:

dum Religione defensa Patriæ, conseruat Patriam,

Paucis Iuris ac Æqui inuentis tutoribus, quos sequeretur:

prouidit plurimos, qui Se sequerentur.

Hem hominum audaciam!

Dum pariant Hydras, contemnunt Hercules;

dum impleant Cunas, demoliuntur Cælos.

Sacrum D. Michaeli Vilnæ Templum, obstetricantibus oppositum ædibus:

Fæcunditatem quæsitam, Angelica puritate oppugnare visum.

Post fremitum poculorum, ventum ad pugnam Sagittarum.

Hostis, D E V S: acies, aduersæ Diuorum sacræ Effigies.

Quis hîc non vltrices Cælo dexteras expectasset,
nisi Vindicem iniuriarū elegisset SAPIEHAM Deus?

Egit hic tantum, quantum Cæli optarant.

Summis viribus, potentissimis clientelis, grauissimæ auctoritati:

pares opes, potentiam, auctoritatem cùm opposuisset:

Iuris & Æqui

agnitus est, antequam videretur, Fundator;

In Se primùm legi voluit, quod de Se deinde diceretur.

quemadmodum

In Se gessit, quod pro Se obiturus, D E O, Patriæq; offerret.

Vitæ dixeris Immortuum.

Nam vitæ Causa, Mortis Occasio.

Non potuit melius mereri vitam, quàm meruerit mortem.

Occidit, dum occidentibus Auroram accendit.

Ad perduellis conspectam imaginem seruitutis, expirauit:

Auertite oculos Posterì!

Inauditum in Patria exemplum, Patria sibi facta,

Priùs

Prius se perditam vidit, quàm proditam sensit.

Defluxit Purpuris natalis rubor,
qui superfuit: sanguis Ciuium fuit.

Nec alio militares rubuère Sagi, aut bellicæ pastæ Aquilæ.

O T V A M

ILLVSTRISIME CASIMIRE LEO SAPIEHA virtutem!

Vnus in paucis, DEO & Regi fidus; pro DEO, & Rege firmus;
cum DEO, & Rege Victor.

Vt nondum deposita sint arma, dudum triumphat Causa.
Prensat supremis digitis excussas è plena manu Prouincias hostis;

& quicquid tangit,

Fidem SAPIEHANAM palpat.
Nisi SAPIEHANVS Sol luxisset,
Æterna nox Patriæ metuenda erat.

Fatentur id,

qui omnia circumspexerunt, vt Patriæ prouiderent:
neq; Pharon ad quam se reciperent, inuenerunt:

quàm SAPIEHA S,

ILLVSTRISIMVM PAVLVM SAPIEHAM,
nunc Palatinum Vilnensem, Supremumq; Exercituū Lituaniæ Ducem:

ILLVSTRISIMVM CASIMIRVM LEONEM SAPIEHAM,
tunc M D. Lit. PROCANCELLARIVM.

Grande virtutis iudicium,

Vnus omnium de virtute consensus.

Grande decus Gloriæ,

Vna omnium, laudibusq; ijsdem imbuta lingua.

Si magnum est dici,

HIC EST:

G

quan.

quantum erit, HIC SOLVS EST?
Tantus pugnat Dux, tantus obijt PROCANCELLARIVS.

Ille felix Lauro, hic gloriosus ipsa Cupresso.

Fatalis hæc, vt sit Arbor,

Fata Virtus non timet.

Tumuli HEROVM, MONVMENTA Laudum.

Vixisti CASIMIRE LEO SAPIEHA, vixisti!

Virtutibus, Opibus, Armis, Animo: DEO & Patriæ deuotus.

Viues quoq; immortalis ô PHOENIX Lituaniæ!

Quoties rebellis miles, per Te officio restitutus, Sacra tuetur,

Tu DEO dicaris:

Quoties Patriam propugnat,

Tu pugnas.

Insonat altè, insonabitq; æternùm, Tua illa plena Pietatis

in DEVM & Patriam Vox:

Pugnarent constanter pro Aris, tuerentur Focos:

Patrimonium amplum tuum, in stipendijs numerarent:

TE promissorum Obsidem haberent.

Hoc Classico, excitata Fides: hæc Tubâ, crecti Animi.

Hic clangor totam exercet Patriam,

Perennemq; exercebit Gloriam.

Obsidem Te pro Religione & Patria voluisti,

Obsidem Nominis Tui, Religionem & Patriam
habebis.

Quamdiu steterint,

MONVMENTVM TVI STABVNT.

NEC silere dolor potuit, nec satis loqui potest. Facundus & mutus sit simul, necesse: dum loquendo dolet, dolendo loquitur. En quàm pauca prolocuti, silemus! quàm multa silentio loquimur! Ampliora sunt Tua merita ô PARENS & FVNDATOR Munificentissime, quàm ut dici possint. maius nostrum debitum, quàm ut enarrari. Non unum tamen tempus est, quod maximis Tuis Virtutibus, atq; in nos beneficijs occupasti; non uno igitur ea dicenda, totâ spectaberis gloriosus aeternitate, totâ prædicaberis. Iuris Tui, o Iuris diuini humaniq; FVNDATOR Gloriosissime facti sumus. Vteris nobis, quando voles. Habes fidei pignus, silentis ACADEMIÆ gratias. Si muta loquitur, loqui permissa, quî Te sibi? Si Exul à te diuici non potest, nativis reddita Sedibus, quî à Te dimouebitur? Quæcunq; nos Fata maneant, Tui memoriam non obterent. Si grauia, illam sustinebimus. Si mitia, illa laudibus Tuis imbuemus.

16

V A R S A V I Æ,


Apud Viduam & Hæredes Petri Elert, S.R.M.
Typogr: Anno Dñi. 1659.



J. xxii. 26.



Biblioteka Jagiellońska



stdr0010317

A white rectangular label is affixed to the bottom right corner of the brown cardboard. It contains the text "Biblioteka Jagiellońska" at the top, a barcode in the middle, and the number "stdr0010317" at the bottom.

